



Na osnovu člana 17. tačka 22., člana 3. i člana 18. Zakona o Visokom sudskom i tužilačkom vijeću Bosne i Hercegovine („Službeni glasnik BiH”, br. 25/04, 93/05, 48/07 i 15/08), člana 24. Kriterija za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine („Službeni glasnik BiH”, broj 1/21), člana 35. Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u Bosni i Hercegovini („Službeni glasnik BiH”, broj 1/21), te člana 26. Kriterija za ocjenjivanje rada tužilaca u Bosni i Hercegovini („Službeni glasnik BiH”, broj 1/21), Visoko sudsko i tužilačko vijeće Bosne i Hercegovine je, na sjednici održanoj 09.11. 2022. godine, usvojilo

## U P U T S T V O

**za primjenu Kriterija za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine, Kriterija za ocjenjivanje rada glavnih tužilaca, zamjenika glavnih tužilaca, šefova odjela/odsjeka u tužilaštvima u Bosni i Hercegovini i Kriterija za ocjenjivanje rada tužilaca u Bosni i Hercegovini**

### POGLAVLJE I – OPĆE ODREDBE

#### Član 1. (Cilj Uputstva)

Cilj Uputstva je da se osigura da ocjenjivači na jedinstven način primjenjuju Kriterije za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine, Kriterije za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u Bosni i Hercegovini i Kriterije za ocjenjivanje rada tužilaca u Bosni i Hercegovini u svim tužilaštvima u Bosni i Hercegovini, odnosno da se osigura okvir da ocjenjivači provedu adekvatnu analizu rada i potpuno dokumentovanje relevantnih informacija i pokazatelja na osnovu kojih je izvršena dodjela bodova nosiocu pravosudne funkcije po pojedinim elementima ocjene rada.

#### Član 2. (Ocjenjivač)

Glavni tužilac koji je u toku većeg dijela perioda ocjenjivanja bio na dužnosti zamjenika glavnog tužioca, šefa odjela ili tužioca u istom ili drugom tužilaštvu, ocjenjuje se za cijeli period ocjenjivanja u skladu sa članom 4. stav (1) i (2) i članom 5. Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH.

#### Član 3. (Analiza rada – kvalitativni elementi ocjene rada)

(1) Ocjenjivač je dužan da osigura da se dodjela bodova po kvalitativnim elementima ocjene rada glavnog tužioca, zamjenika glavnog tužioca, šefa odjela i tužioca (*Odnos tužioca prema radu – Parametar b*) u potpunosti izvršena obavezna uputstva glavnog tužioca u vezi sa primjenom Zakona o krivičnom postupku u pogledu postupanja po predmetima, poštivanja rokova, prisustva kolegijima i odnosa prema strankama i saradnicima; odnosno u potpunosti izvršena obavezna uputstva glavnog

*tužioca Tužilaštva BiH, glavnog tužioca Federalnog tužilaštva F BiH, glavnog tužioca Republičkog tužilaštva RS, glavnih tužilaca kantonalnih/okružnih tužilaštava i glavnog tužioca Tužilaštva Brčko Distrikta BiH, u vezi s primjenom Zakona o krivičnom postupku u pogledu postupanja po predmetima, poštivanja rokova, prisustva kolegijima i odnosa prema strankama i saradnicima; Posebni slučajevi ocjenjivanja; Organizacija i rukovođenje radom tužilaštva i odjela/odsjeka) temelji na odgovarajućem obrazloženju podataka, koji se preuzimaju iz relevantnih izvora informacija i zaključaka ocjenjivača o ostvarenim radnim rezultatima ocjenjivanog nosioca pravosudne funkcije i tužilaštva u toku perioda ocjenjivanja, i unose u odgovarajuće obrasce predviđene Kriterijima za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine, Kriterijima za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u Bosni i Hercegovini i Kriterijima za ocjenjivanje rada tužilaca u Bosni i Hercegovini u svim tužilaštvima u Bosni i Hercegovini i ovim Uputstvom.*

(2) Stalna komisija za efikasnost i kvalitet tužilaštava razmatra i po potrebi traži pojašnjenja od ocjenjivača za provedenu dodjelu bodova po elementima ocjene rada iz stava (1) ovog člana, a imajući u vidu raspoložive informacije o radu ocjenjivanog nosioca pravosudne funkcije i tužilaštva kako bi se osigurala jedinstvena i pravilna primjena Kriterija za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine, Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u Bosni i Hercegovini i Kriterija za ocjenjivanje rada tužilaca u Bosni i Hercegovini u svim tužilaštvima u Bosni i Hercegovini, naročito u slučaju dodjele najvećeg predviđenog broja bodova za navedene elemente.

## **POGLAVLJE II – ELEMENTI OCJENE RADA**

### **Član 4.**

#### **(Opravdani razlozi za neispunjenje godišnje norme –**

#### **Nedovoljan broj predmeta za ostvarenje godišnje orijentacione norme)**

(1) U slučaju da postoje indikacije da u određenoj kalendarskoj godini nije ostvarena godišnja norma zbog nedovoljnog broja predmeta dodijeljenih u rad jednom ili više tužilaca, ocjenjivač utvrđuje da li postoji osnov za primjenu člana 17. Kriterija za ocjenjivanje rada tužilaca u BiH i člana 17. Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, na način da osigura da se pripremi obračun na osnovu podataka o ostvarenoj godišnjoj orijentacionoj normi i procjene o ostvarenju norme na osnovu normativa za neriješene predmete koji su iskazani u radu određenog nosioca kao neriješeni na kraju perioda ocjenjivanja, kako bi se ustanovilo koji ocjenjivani nosioci pravosudne funkcije nisu imali u radu dovoljan broj predmeta za ostvarenje propisane godišnje norme u periodu ocjenjivanja i koje neriješene predmete iz njihovog zaduženja na kraju perioda ocjenjivanja ocjenjivač izuzima iz obračuna rezultata u pogledu procenta riješenih predmeta.

(2) Ocjenjivač donosi odluku o izuzimanju konkretnih neriješenih predmeta iz obračuna rezultata u pogledu procenta riješenih predmeta na osnovu uvida u informacije o pojedinačnim neriješenim predmetima iz stava (1) ovog člana, uzimajući u obzir sljedeće okolnosti: opterećenost ocjenjivanog nosioca pravosudne funkcije u radu na predmetima (broj predmeta u zaduženju u periodu ocjenjivanja), vrijeme zaprimanja predmeta u tužilaštvo, zakonske i optimalne rokove za rješavanje predmeta i stepen ispunjenosti obaveze uzimanja predmeta u rad po starosti inicijalnog akta.

(3) Ocjenjivač je dužan da osigura da se u tabeli za obračun pojedinačnih i kolektivnih radnih rezultata u tužilaštvu konstatuje da je određeni nosilac pravosudne funkcije u periodu ocjenjivanja

ocjenjen u okolnostima nedovoljnog broja predmeta u radu za ostvarenje propisane godišnje orijentacione norme, navedu podaci o njegovoj ostvarenoj godišnjoj normi, odnosno procentu riješenih predmeta i da se ti podaci, bez izmjena, unesu u obrasce za ocjenjivanje rada nosilaca pravosudnih funkcija i provede ocjenjivanje.

(4) Ocjenjivač shodno primjenjuje odredbe iz stavova (1), (2) i (3) ovog člana, a u vezi sa članom 24. Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u Bosni i Hercegovini, ukoliko postoje postoje indikacije da tužilaštvo odnosno odjel čijim radom rukovodi ocjenjivani glavni tužilac odnosno šef odjela, nije imao dovoljan broj predmeta za ostvarenje propisane kolektivne orijentacione norme u određenoj kalendarskoj godini.

#### **Član 5.**

##### **(Kolektivna orijentacijska norma tužilaštva)**

(1) Prilikom obračuna kolektivne orijentacijske norme tužilaštva ne uzimaju se u obzir radni rezultati nosilaca pravosudnih funkcija koji su iz razloga predviđenih u stavu (2) ovog člana u periodu ocjenjivanja ostvarili ukupnu godišnju orijentacionu normu u vrijednosti nižoj od 20%.

(2) Stav (1) ovog člana odnosi se na novoimenovane tužioce, tužioce koji su imenovani u drugu instituciju, odnosno tužioce koji su prestali sa radom iz različitih razloga kao što su: penzionisanje, podnošenje ostavke, smrt, gubitak radne sposobnosti, razrješenje od dužnosti, privremeno ili trajno udaljene od vršenja dužnosti itd.

#### **Član 6.**

##### **(Kvalitet odluka)**

(1) Prilikom obračuna kvaliteta naredbi o neprovođenju i obustavi istrage uzimaju se u obzir rješenja glavnog tužioca o uvažavanju pritužbi isključivo na naredbe koje su donijete u periodu ocjenjivanja, a ne i naredbe koje su donijete prije perioda ocjenjivanja a o kojima je odlučeno u periodu ocjenjivanja.

(2) Naredbe o neprovođenju i obustavi istrage u KTN predmetima računaju se u ukupan broj naredbi o neprovođenju i obustavi istrage.

(3) Ocjenjivač će u obrazac ocjene rada unijeti konstataciju da ocjenjivanom nosiocu pravosudne funkcije nisu dodijeljeni negativni bodovi iz člana 21. Kriterija za ocjenjivanje rada tužilaca u BiH i člana 21. Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH.

#### **Član 7.**

##### **(Odnos prema radu, parametar a) realizacija plana rješavanja starih predmeta, odnosno realizacija predmeta iz akcionog plana za rad na predmetima ratnih zločina)**

(1) Podatak o procentu realizacije Plana rješavanja starih predmeta nosilaca pravosudnih funkcija tužilaštvo preuzima iz Izvještaja iz TCMS-a „*Ukupna realizacija plana tužilaštva u zadanom periodu (D/B)*“.

(2) Ukoliko je nosilac pravosudne funkcije zadužen samo sa predmetima koji su uključeni u Akcioni plan rješavanja predmeta ratnih zločina, podatak o procentu realizacije plana za ocjenjivanog nosioca pravosudne funkcije preuzima se iz izvještaja tužilaštva o realizaciji Akcionog plana za period ocjenjivanja.

(3) Procenat realizacije Akcionog plana za rad na predmetima ratnih zločina obračunava se na osnovu podataka o broju planiranih i riješenih KTRZ ili KTARZ ili KTNRZ predmeta, u zavisnosti od

toga po kojoj vrsti predmeta je realizovan veći procenat riješenosti predmeta, odnosno veći procenat realizacije plana za taj izvještajni period.

(4) Ukoliko je nosilac pravosudne funkcije istovremeno zadužen Planom rješavanja starih predmeta i Akcionim planom za rad na predmetima ratnih zločina, procenat realizacije se preuzima iz plana po kojem je nosilac pravosudne funkcije ostvario veći procenat riješenosti predmeta (Plan rješavanja starih predmeta ili Akcioni plan za rad na predmetima ratnih zločina).

(5) Podatak o broju planiranih i riješenih predmeta iz Plana rješavanja starih predmeta i podatak o broju planiranih i riješenih KTRZ, KTARZ i KTNRZ predmeta ocjenjivač unosi u obrazac ocjene rada. Podaci o broju planiranih i riješenih predmeta iz navedenih planova preuzimaju se iz izvještaja iz stava (1) i (2) ovog člana.

(6) Broj bodova po osnovu procenat realizacije plana rješavanja starih predmeta, odnosno Akcionog plana za rad na predmetima ratnih zločina se dodjeljuje za višu vrijednost procenta realizacije u skladu sa članom 22. stav (2) Kriterija za ocjenjivanje rada tužilaca u BiH i članom 22. stav (2) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH ukoliko je ta vrijednost za 0,01% ili više veća od procenta realizacije za koju se dodjeljuje manji broj bodova (npr. za ostvareni postotak realizacije plana rješavanja starih predmeta od 85,01% ocjenjivanom tužiocu će se dodijeliti 9 bodova).

#### **Član 8.**

##### **(Odnos prema radu – član 22. stav (1) tačka b) Kriterija)**

(1) Prilikom ocjenjivanja rada nosioca pravosudne funkcije po osnovu elementa ocjene Odnos prema radu, parametar b) iz člana 22. stav (1) tačka b) Kriterija za ocjenjivanje rada tužilaca u BiH i člana 22. stav (1) tačka b) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, ocjenjivač je dužan, u saradnji sa zamjenikom glavnog tužioca i/ili šefom odjela, osigurati da se odluka o dodjeli bodova donese na osnovu obrazložene ocjene stanja u referatu određenog ocjenjivanog nosioca pravosudne funkcije, koja proizilazi iz pregleda objektiviziranih informacija o pojedinačnim predmetima u vezi sa sljedećim aspektima rada ocjenjivanog nosioca pravosudne funkcije u periodu ocjenjivanja:

- dosljednost i efikasnost u vezi sa izvršavanjem obaveznih uputstava glavnog tužioca u vezi sa primjenom Zakona o krivičnom postupku;
- poštivanje rokova propisanih zakonom ili općim uputstvom glavnog tužioca pri čemu je naročito potrebno imati u vidu predmete u kojima postupak traje duži vremenski period, bez obzira na to da li je postupak okončan tužilačkom odlukom u periodu ocjenjivanja ili postupak nije okončan do kraja perioda ocjenjivanja;
- prisustvo i doprinos u radu kolegija;
- efikasnost i profesionalnost u pogledu saradnje sa drugim tužiocima, zaposlenicima tužilaštva, sudijama, zaposlenicima sudova, pripadnicima organa za provođenje zakona i drugih institucija;
- profesionalnost u postupanju prema strankama.

(2) Ocjenjivač je obavezan na Obrascu broj 5. (Obrazac – Ažurnost i efikasnost rada tužioca), odnosno na Obrascu broj 6. (Obrazac – Ažurnost i efikasnost rada glavnog tužioca, zamjenika glavnog tužioca, šefa odjela), navesti izvore informacija korištene pri donošenju odluke o dodjeli bodova i detaljno obrazložiti razloge dodijele odgovarajućeg broja bodova po elementu ocjene iz stava (1) ovog člana.

(3) Ocjenjivač će, pri donošenju odluke o dodjeli bodova iz stava (1) ovog člana, pored ostalih, koristiti sljedeće izvore informacija:

- neposredan pregled predmeta ocjenjivanog nosioca pravosudne funkcije u kojima je uočeno kašnjenje u radu ili u odnosu na koje postoje okolnosti koje upućuju da može doći do nepotpune, nedosljedne ili nedovoljno efikasne realizacije obaveznih uputstava glavnog tužioca;
- mišljenje rukovodioca tužilačkog odjela u kojem je ocjenjivani nosilac pravosudne funkcije raspoređen, odnosno stručnog kolegija tužilaštava ukoliko u tužilaštvu nisu formirani tužilački odjeli;
- relevantni statistički izvještaji iz TCMS-a;
- zapisnici sa sastanka kolegija tužilaštva;
- ostale informacije koje su od značaja za utvrđivanje ocjene.

(4) Glavni tužilac ocjenjivanom tužiocu po osnovu elementa ocjene iz člana 22. stav (1) tačka b) Kriterija za ocjenjivanje rada tužilaca u BiH, može dodijeliti 0, 1, 2, 3, 4 ili 5 bodova.

(5) Ocjenjivač ocjenjivanom glavnom tužiocu, zamjeniku glavnog tužioca, šefu odjela po osnovu elementa ocjene iz člana 22. stav (1) tačka b) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, može dodijeliti od 0 do 2,5 bodova.

## **Član 9.**

### **(Posebni slučajevi ocjenjivanja)**

(1) Prilikom eventualne dodjele bodova tužiocu po osnovu elementa Posebni slučajevi ocjenjivanja iz člana 23. Kriterija za ocjenjivanje rada tužilaca u BiH, ocjenjivač je dužan na Obrascu broj 9. navesti činjenice i obrazložiti okolnosti zbog kojih smatra da je u radu tužilaštva postignuta vanredna efikasnost, odnosno izložiti analizu pokazatelja prema kojima je ocjenjivani tužilac iskazao izuzetno zalaganje u periodu ocjenjivanja, a koje je dovelo do navedenog rezultata u radu tužilaštva.

(2) Prilikom eventualne dodjele bodova glavnom tužiocu, zamjeniku glavnog tužioca i šefu odjela po osnovu elementa Posebni slučajevi ocjenjivanja iz člana 32. stav (1) tačka b) u vezi sa stavom (2) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, ocjenjivač je dužan na Obrascu broj 9.1. navesti činjenice i obrazložiti okolnosti zbog kojih smatra da je u radu tužilaštva postignuta posebno izražena ažurnost i efikasnost u periodu ocjenjivanja.

(3) Glavni tužilac ocjenjivanom tužiocu po osnovu elementa ocjene iz člana 23. Kriterija za ocjenjivanje rada tužilaca u BiH, može dodijeliti od 0 do 10 bodova.

(4) Ocjenjivač ocjenjivanom glavnom tužiocu, zamjeniku glavnog tužioca, šefu odjela po osnovu elementa ocjene iz člana 32. stav (1) tačka a) i b) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, može dodijeliti 0, 1, 2, 3, 4 ili 5 bodova.

## **Član 10.**

### **(Organizacija i rukovođenje radom tužilaštva/odjela)**

(1) Ocjena organizacije i rukovođenja radom tužilaštva/odjela iz člana 30. stav (1) i člana 31. stav (1) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH mora biti obrazložena i mora uključiti analizu i pojašnjenja relevantnih statističkih podataka koji su od značaja za ocjenu uspješnosti glavnog tužioca, zamjenika glavnog tužioca, šefa odjela u pogledu realizacije obaveza iz oblasti organizacije i rukovođenja radom tužilaštva/odjela.

(2) Ocjenjivač će podatke iz stava (1) ovog člana unijeti u obrazac broj 7. (Obrazac – Organizacija i rukovođenje radom tužilaštva), odnosno obrazac broj 8. (Obrazac – Organizacija i



rukovođenje radom odjela u tužilaštvu), uz navođenje izvora informacija koji su korišteni pri donošenju odluke o dodijeli odgovarajućeg broja bodova.

- (3) Izvori informacija za utvrđivanje ocjene organizacije i rukovođenja radom tužilaštva/odjela:
- mišljenje ocjenjivača koje je zasnovano na njegovu nadzoru rada kantonalnih/okružnih tužilaštava;
  - mišljenje ocjenjivača koje je zasnovano na njegovu nadzoru rada ocjenjivanog nosioca pravosudne funkcije;
  - izvještaji kantonalnih/okružnih tužilaštava dostavljeni entitetskim tužilaštvima;
  - narativni i statistički izvještaji tužilaštava čije je sačinjavanje i dostavljanje propisano pravnim okvirom VSTV BiH, kao što je izvještaj o realizaciji godišnjeg plana rada;
  - ostale informacije koje su od značaja za utvrđivanje ocjene organizacije i rukovođenja radom tužilaštva.

(4) Procenat realizacije Akcionog plana za rad na predmetima ratnih zločina na nivou tužilaštva i odjela iz člana 30. stav (1) tačka b) i člana 31. stav (1) tačka b) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, obračunava se sabiranjem podataka o broju planiranih i riješenih KTRZ i/ili KTARZ i/ili KTNZRZ predmeta pojedinačnih nosilaca pravosudnih funkcija u tužilaštvu/odjelu, u zavisnosti od toga po kojoj vrsti predmeta je realizovan veći procenat realizacije plana za taj izvještajni period.

(5) Ukoliko je tužilaštvo/odjel u izvještajnom periodu imalo obavezu izrade Plana rješavanja starih predmeta i Akcionog plana za rad na predmetima ratnih zločina, procenat realizacije na nivou tužilaštva se obračunava sabiranjem podataka o broju planiranih i riješenih predmeta iz Plana rješavanja starih predmeta i podataka o broju planiranih i riješenih KTRZ ili KTARZ ili KTNZRZ predmeta iz stava (4) ovog člana.

(6) Broj bodova po osnovu procenta realizacije plana rješavanja starih predmeta i/ili predmeta iz Akcionog plana za rad na predmetima ratnih zločina na nivou tužilaštva/odjela se dodjeljuje za višu vrijednost procenta realizacije u skladu sa članom 30. stav (2) i člana 31. stav (2) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH ukoliko je ta vrijednost za 0,01% ili više veća od procenta realizacije za koju se dodjeljuje manji broj bodova (npr. za ostvareni postotak realizacije plana rješavanja predmeta od 80,01% glavnom tužiocu će se dodijeliti 4 boda).

(7) Ocjenjivač će prilikom ocjenjivanja rada glavnog tužioca, zamjenika glavnog tužioca i šefa odjela po parametrima iz člana 30. stav (1) tačka c) – f) i člana 31. stav (1) tačka c) – e) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, odluku o dodijeli odgovarajućeg broja bodova utvrditi na objektivnan način i o tome dati obrazloženje u okviru posebnog obrasca kojeg propisuje VSTV BiH.

(8) Blagovremenom pritužbom u Tužilaštvu Bosne i Hercegovine i Tužilaštvu Brčko distrikta Bosne i Hercegovine, u smislu člana 30. stav (4) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, smatra se pritužba riješena u roku od 1 (jednog) mjeseca, a najduže u roku od 3 (tri) mjeseca nakon njenog prijema u tužilaštvo.

(9) Pritužbe na rad kantonalnih tužilaštva, u smislu člana 30. stav (4) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, rješavaju se u rokovima određenim Obavezanim uputstvom o postupku rješavanja pritužbi na naredbe o neprovođenju istrage, naredbe o obustavi istrage, kao i pritužbi zbog neefikasnog i/ili nezakonitog rada tužilaca u krivičnim predmetima, koje obavezno uputstvo donosi glavni federalni tužilac.

(10) Pritužbe na rad okružnih javnih tužilaštava, u smislu člana 30. stav (4) Kriterija za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH, rješavaju se u rokovima određenim Zakonom o krivičnom postupku Republike Srpske („Službeni glasnik RS“, br. 53/12, 91/17, 66/18 i 15/21).

### POGLAVLJE III – OSTALE ODREDBE

#### Član 11.

##### (Obračun radnih rezultata šefova odsjeka)

(1) Ostvareni radni rezultati šefova odsjeka ocjenjuju se prema Kriterijima za ocjenjivanje rada tužilaca u BiH.

(2) Šefovi odsjeka se neće ocjenjivati za ostvarene kolektivne radne rezultate odsjeka koji su predviđeni Kriterijima za ocjenjivanje rada glavnih tužilaca, zamjenika glavnih tužilaca i šefova odjela/odsjeka u tužilaštvima u BiH.

#### Član 12.

##### (Mjere za unaprjeđenje rada)

Ocjenjivač je dužan na Obrascu broj 4. i 4a (Obrazac - Izvještaj ocjenjivača VSTV BiH) za nosioca pravosudne funkcije koji je ocijenjen ocjenom rada „nezadovoljavajuće obavlja funkciju” ili „zadovoljavajuće obavlja funkciju”, navesti pojašnjenje njegovih radnih rezultata i moguće i potrebne mjere za unaprjeđenje rada, kao što su promjena referata, organizacija interne edukacije u tužilaštvu, dodatna specifična obuka i slično, uključujući i angažman konsultativnog tužioca ako smatra da mu je potreban dodatni period stručne pomoći i potpora.

#### Član 13.

##### (Posebni obrasci)

Obrasci iz člana 8. stav (2), člana 10. stav (2) i člana 12. ovog Uputstva unose se u bazu podataka VSTS BiH uz obrazac za ocjenjivanje rada nosilaca pravosudnih funkcija.

### POGLAVLJE IV – ZAVRŠNE ODREDBE

#### Član 14.

##### (Stupanje na snagu)

Ovo Uputstvo stupa na snagu danom donošenja i objavljuje se na internet portalu VSTV BiH.

Broj: 06-02-3-3660-1/2022  
Sarajevo, 09.11. 2022. godine

MP

Predsjednik VSTV BiH

Halil Kagić



